



Huw Irranca-Davies MS  
Cadeirydd, Y Pwyllgor Deddfwriaeth, Cyfiawnder a'r Cyfansoddiad  
Senedd Cymru  
SeneddLJC@senedd.wales

Llywodraeth Cymru  
Welsh Government

07 Ionawr 2022

Annwyl Huw,

Ysgrifennaf atoch i hysbysu'r Pwyllgor fy mod wedi rhoi caniatâd i Lywodraeth y DU arfer pŵer deddfwriaethol dirprwyedig mewn maes datganoledig mewn perthynas â Chymru. Mae cytundeb wedi'i roi i wneud Rheoliadau Gwastraff ac Amaethyddiaeth (Swyddogaethau Deddfwriaethol) 2022. Mae'r offeryn hwn yn cael ei wneud gan ddefnyddio'r pŵer yn adran 8 o Ddeddf yr Undeb Ewropeaidd (Ymadael) 2018 er mwyn mynd i'r afael â methiannau cyfraith yr UE a ddargedwir i weithredu'n effeithiol neu ddiffygion eraill sy'n deillio o ymadawiad y Deyrnas Unedig â'r Undeb Ewropeaidd.

Yn dilyn ymadawiad y DU â'r Undeb Ewropeaidd, mae'r offeryn hwn yn trosglwyddo rhai swyddogaethau technegol mewn perthynas â gwastraff o'r Comisiwn Ewropeaidd i'r Ysgrifennydd Gwladol a'r llywodraethau datganoledig. Mae hefyd yn cywiro gwall yn Rheoliadau Amaethyddiaeth (Taliadau) (Diwygio etc) (Ymadael â'r UE) 2020 (OS 2020/1445), mewnosod diffiniad o 'awdurdod priodol' ('appropriate authority') yn Rheoliad (UE) Rhif 1306/2013 Senedd Ewrop a'r Cyngor ar ariannu, rheoli a monitro'r polisi amaethyddol cyffredin a diddymu Rheoliadau'r Cyngor (EEC) Rhif 352/78, (EC) Rhif 165/94, (EC) Rhif 2799/98, (EC) Rhif 814/2000, (EC) Rhif 1290/2005 a (EC) Rhif 485/2008 (EUR 2013/1306) at ddibenion ariannu, rheoli a monitro chynlluniau datblygu gwledig a chyd-drefniadaeth y marchnadoedd (CMO).

Mae gan y Comisiwn Ewropeaidd bwerau sy'n ymwneud â Chyfarwyddebau mewn perthynas â gwastraff, gan gynnwys y rhai sy'n ymwneud â cherbydau diwedd oes, batris a chronaduron, ac offer trydanol ac electronig yn benodol, yn ogystal â Chyfarwyddeb gyffredinol y Fframwaith Gwastraff. Mae'r offeryn hwn yn trosglwyddo nifer o bwerau a swyddogaethau technegol sy'n ymwneud â'r adnoddau hynny a Chyfarwyddebau rheoli gwastraff o'r Comisiwn Ewropeaidd i'r Ysgrifennydd Gwladol lle mae'r mater yn un a gedwir yn ôl, ac yn dibynnu ar y pŵer, i'r llywodraethau datganoledig lle mae hyn wedi'i ddatganoli. Bydd hyn yn caniatáu i ddeddfwriaeth berthnasol yr UE a ddargedwir weithredu'n gywir yn dilyn ymadawiad y DU â'r UE. Bydd hyn yn galluogi'r DU a'r llywodraethau datganoledig i gynnal safonau amgylcheddol ar drin gwastraff yn ddiogel, lefelau adfer, ailgylchu a thrin

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Mick.Antoniw@llyw.cymru](mailto:Gohebiaeth.Mick.Antoniw@llyw.cymru)  
[Correspondence.Mick.Antoniw@gov.Wales](mailto:Correspondence.Mick.Antoniw@gov.Wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

gwastraff. Mae'r swyddogaethau a restrir yn yr offeryn hwn yn rhai arferol, ac mewn sawl achos, mae'r safonau, y gofynion neu'r swyddogaethau eraill a nodir eisoes ar waith ac yn gweithio'n dda – diben y pwerau yw bod yn gallu eu newid yn y dyfodol pe bai angen, yn hytrach na cheisio eu diweddarau neu eu diwygio ar hyn o bryd.

Er nad yw'n bosibl diwygio Cyfarwyddbau'n uniongyrchol, gan nad yw'r rhain yn gyfraith yr UE a ddargedwir, mae'r pwerau yn Neddf yr Undeb Ewropeaidd (Ymadael) 2018 yn galluogi i'r pwerau deddfwriaethol y maent yn eu rhoi i'r Comisiwn gael eu trosglwyddo i gyfraith ddomestig. Heb wneud hyn, byddai gallu cyfyngedig, neu dim gallu o gwbl, i wneud y math o fân newidiadau technegol i ddeddfwriaeth y mae'r pwerau'n ymdrin â hwy heb orfod defnyddio deddfwriaeth sylfaenol ar bob achlysur. Byddai hyn yn gwneud y broses o newid manylion o'r fath yn araf ac yn feichus iawn, a byddai'n dileu hyblygrwydd i ymateb i newidiadau gwyddonol a thechnegol. Nid yw'r offeryn hwn ei hun yn gwneud unrhyw newidiadau polisi sylweddol. Mae'r safonau hyn i gyd yn weithredol ar hyn o bryd, ac nid ydym yn rhagweld y bydd angen eu newid yn fuan. Fodd bynnag, heb y pŵer i newid y safonau hyn, ni fyddai'n bosibl eu diweddarau os oes angen. Er enghraifft, pe bai'r OS hwn yn methu ac na throsglwyddwyd y pwerau i'r Ysgrifennydd Gwladol a'r llywodraethau datganoledig, pe bai technegau samplu neu dulliau trin gwastraff gwell yn cael eu datblygu yn y dyfodol, ni fyddem yn gallu addasu'r rheoliadau i ystyried y dulliau newydd.

Bydd yn awr yn caniatáu i'r Ysgrifennydd Gwladol a'r llywodraethau datganoledig wneud rheoliadau i osod neu newid y meini prawf technegol amrywiol y cyfeirir atynt ym mhob adran, yn bennaf er mwyn cadw i fyny â datblygiadau gwyddonol a thechnegol yn y dyfodol. Yn benodol, mae'n darparu ar gyfer gallu'r Ysgrifennydd Gwladol a'r llywodraethau datganoledig i gadw swyddogaethau o'r offerynnau canlynol:

- Y Gyfarwydddeb Tirlenwi (Cyfarwydddeb 1999/31/EC) (Rheoliad 5 o'r offeryn hwn) – i bennu safonau ar gyfer samplu gwastraff a gwastraff sy'n mynd i safleoedd tirlenwi.
- Y Gyfarwydddeb Cerbydau Diwedd Oes (Cyfarwydddeb 2000/53/EC) (Rheoliadau 6-9 o'r offeryn hwn) - pwerau i ddiweddarau ac addasu esemptiadau sy'n cwmpasu defnyddio metelau trwm penodol mewn cerbydau yn seiliedig ar ddatblygiadau gwyddonol neu dechnegol; pennu'r gofynion sylfaenol ar gyfer y dystysgrif ddinistrio; pwerau i addasu amodau ar gyfer storio a thrin yn unol â chynnydd gwyddonol neu dechnegol; a phwerau i bennu safonau codio deunydd a chydannau ar gyfer cerbydau.
- Y Gyfarwydddeb Gwastraff Mwyngloddio (Cyfarwydddeb 2006/21/EC) (Rheoliadau 10-11 o'r offeryn hwn) – pwerau i addasu elfennau nad ydynt yn hanfodol megis canllawiau ar gyfer arolygu cyfleusterau gwastraff a dulliau samplu, a diweddarau rheoliadau yn unol â chynnydd gwyddonol a thechnegol.
- Y Gyfarwydddeb Batris (Cyfarwydddeb 2006/66/EC) (Rheoliadau 12-13 o'r offeryn hwn) – y pŵer i bennu meini prawf allforio ac i roi esemptiadau rhag gofynion labelu ar gyfer batris a chronaduron.
- Y Gyfarwydddeb Fframwaith Gwastraff (Cyfarwydddeb 2008/98/EC) (Rheoliadau 14-17 o'r offeryn hwn) – pwerau i ragnodi meini prawf ar gymhwysu'r amodau sgil-gynhyrchion; rhagnodi meini prawf ar ddiwedd amodau gwastraff; a phennu'r defnydd o'r fformiwla ar gyfer cyfleusterau llosgi.
- Y Gyfarwydddeb Trydanol ac Offer Electronig Gwastraff (WEEE) (Cyfarwydddeb 2012/19/EU) (Rheoliadau 18-20 o'r offeryn hwn) - pwerau i ddiweddarau technolegau triniaeth gofynnol dethol; diweddarau'r gofynion technegol ar gyfer gweithrediadau trin a storio WEEE a'r rhestr nad yw'n hollgynhwysol o gynhyrchion a restrir fel rhai sy'n perthyn i bob un o'r categorïau a bennir yn y Gyfarwydddeb; ac i ddiweddarau'r symbol bin ar olwynion wedi'i groesi.

Bydd unrhyw reoliadau a wneir o dan y pwerau newydd hefyd yn cael eu gwneud gan OS o dan y weithdrefn negyddol, felly byddant yn dal i fod yn destun craffu unigol gan y Senedd bryd hynny.

At hynny, gwneir darpariaeth i'r Ysgrifennydd Gwladol a, lle y bo'n berthnasol, y llywodraethau datganoledig, ymgynghori ag asiantaethau rheoleiddio perthnasol ac unrhyw un arall y maent yn ei ystyried yn briodol cyn arfer y swyddogaethau pŵer hyn.

Mae Rhan 4 o'r Rheoliadau hyn yn ymdrin â'r diffiniad o "awdurdod priodol" ("appropriate authority") yn EUR 2013/1306 i'r graddau y mae'n ymwneud â mesurau datblygu gwledig a'r Prif Swyddog Meddygol. Ymhlith pethau eraill, mae EUR 2013/1306 yn gosod fframwaith ar gyfer ariannu, rheoli a monitro cynlluniau datblygu gwledig a CMO, ac mae'n cynnwys swyddogaethau deddfwriaethol i ddatblygu a mireinio'r manylion technegol sydd eu hangen i weithredu cynlluniau. Mae rheoliad 24 yn ailosod y diffiniad o "awdurdod priodol" ("appropriate authority") yn y Rheoliad hwnnw ac mae rheoliad 25 yn dirymu'r diffiniad aneffeithiol yn OS 2020/1445.

Mae'r Prif Weinidog wedi ymrwymo, lle bo amser yn caniatáu, y byddwn yn rhoi cyfle i'r Senedd fynegi barn cyn rhoi caniatâd yn ffurfiol. Yn anffodus, nid oedd yn bosibl gwneud hynny ar gyfer yr OS hwn oherwydd er mai dim ond yn ddiweddar y cafodd ei osod, rhoddwyd caniatâd rai wythnosau'n ôl a chyn i'r ymrwymiad gael ei weithredu.

Yn gywir,



**Mick Antoniw AS/MS**

Y Cwnsler Cyffredinol a Gweinidog y Cyfansoddiad  
Counsel General and Minister for the Constitution